



Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Quæstio I. An & qualis Satisfactio sit à Confessario in Sacramento
Pœnitentiæ imponenda.

[urn:nbn:de:hbz:466:1-72963](#)

Nec obstat, quod Ecclesia non possit principere actus mere internos. Nam hoc admissio (quod Nonnulli negat) non præcipit hinc Ecclesia dñe & actus mere internos, sed susceptionem Sacramenti Pœnitentia, quod est symbolum externum, exigens confessionem externam etiam internorum peccatorum, ut & dolorem internum, quem proinde Ecclesia compræcipit determinando ius diuinum, quatenus id necessarium est ad constitutionem actus externi in esse Sacramenti. Quemadmodum potest præcipere verum contractum, veram orationem, veram missam celebrationem &c. Unde in hunc deficiens posset puniri ab Ecclesia, non quidem per judicium, quamdui defectus latet, (idem esset de peccato externo, quod non posset probari) sed per ipsam legem, scilicet sententiam à legelatam, si lex aliquam ferret, prout non fert, sed ferendam præcipit c. *Omnis utriusque sexus.* Vide Dicta disp. 3. de Legibus q. 8.

Potes III. an sicut potest iudicio Confessarii pœnitens differre communionem

paschalem, sic & confessionem perficiendam *iudicio Confessarii* postea per absolutionem? Videtur enim quod *Confessarii* diff. non quia in c. *Omnis utriusque sexus tantum ferri constitutum est sermo de communione.* Resp. quæstio. *Confessio, utrū communionem esse de subiecto non supponente: non paschaliter.*

DISPUTATIO QUARTA.

De Satisfactione, quæ est tertia pars materialis Sacra- menti Pœnitentia, & Indulgentiis.

QUESTIO I.

An & qualis Satisfactione sit à Confessario in Sacramento Pœnitentia imponenda?

GENERALITER satisfacere dicitur, quicumque in aliquo genere facit, quod & quantum debet. Sed strictè loquendo, dicitur is tantum satisfacere, qui alteri præstat quantum est satis animo irato ad ulciscendam injuriā. Et sic satisfactione in ordine ad Deum offensum, est quædam compensatio, qua homo pro peccatis commissis aliquid Deo persolvit. Cum autem duo sint in peccato, videlicet culpa habens adjunctum reatum poenæ æternæ, quando est mortal, & reatus poenæ temporalis, qua sapienter remisit culpam, hinc duplex est satisfactione, una, quæ satisfacimus Deo pro culpa, quæ coincidit cum contritione & aliis dispositionibus justificationem requirit, alia, quæ satisfacimus pro poena restante. Quod fit dupliciter: aliquando enim ab homine suâ sponte aut certè extra Sacramentum Pœnitentia assulmitur aliquid, quod Deo pro poena ex peccato relata exhibet aut persolvit: aliquando in Sacramento Pœnitentia à Confessario injungitur pœnitentibus. Et de satisfactione posterioris generis quæ est pars integralis pœnitentia, potissimum hic est sermo. De priori vero, quæ est ex opere operantis actum est in *Tract. de Gentia* disp. de Mie. q. 7.

Dico I. Confessarius regulariter & per se loquendo debet imponere pœnitenti *in Satisfactionem.* Ita cōmuniter Doctores. Et mentio Pœniten- patet aperte ex *Tridentino* *confess. 4.c. 8.* ubi tra- ntitia est. Etans de Satisfactione sacramentali ait: *Claves regulariter Sacerdotum non ad solvendum dum taxat, sed & ad satisfactio- ligandum concessas, etiam antiqui Patres & cre- dunt & dēeni.* Quod etiam definit can. 15. Ra- *Quia de* *tio est, quod hoc tribunal sit vindicativum, causa.*

in quo sacerdos loco Dei absolvit; adeoq; sicut Deus remisit culpam relinqueret solet pœnam temporalem satisfactione delendam, sic illam imponere debet sacerdos. Deinde satisfactione est pars integralis hujus Sacra- menti; cuius integratatem debet sacerdos curare. Dixi, regulariter: nam incapaci, v.g. moribundo extra usum rationis constitu- to, nulla imponi debet. Idem est, si consta- ret pœnitentem non indigere satisfactione, neque etiam remedio contra peccatum fu- turum: quod raro constare potest.

Enimvero etsi in hoc de criminibus iudicio congrue ad divinam iustitiam, & ejusdem Sacramenti à Baptismo distinctionem, minus tri- locum habeat quædam punitio & vindicta, tia, non ira etiam mitis est; & maximū quod agitur vel pœna- atque rum.

426 Disp. IV. De Satisfactione Sacramentali & Indulgentiis.

atque inteditur, est remissio delictorum: adeoque meritum censetur tribunal gratia. Nec etiam propterea, id est, ob satisfactionem, excommunicantur. Patres scilicet, Sacramentum Poenitentiae esse forum ira vel paenarum, ut optimè Trid. suprad.

3.
Imponenda
regulare
satisfactione
per modum
præcepti.

Videtur autem omnino dicendum cum Coninck disp. 10. dub. 8. poenitentiam regulatiter esse injungendam per modum præcepti, non autem solum, per modum consilii, ut etiam colligitur ex prius relatis verbis Tridentini sup. & canonibus, ac uero ipsaque natura iudicij, in quo rei plecti solent posse præceptivæ imposita. Sic etiam in Acto ponitur pars Sacramenti integralis. Nec major alleviatione poenitentis est, quam quod poenitentia ejus arbitrio relinquatur: cum tamen progravibus culpis leves poenitentias non debeat Sacerdos imponere, sed congrue castigare. Potest tamē juxta Doctores com-

potes tamē
ex parte si-
mili imponi
per modum
consilii.

4.
Debet esse
proportionata
peccata
& qua-
litor.

DICO II. Confessarius debet injungere poenitentias proportionatas peccatis, tam quoad illorum castigationem, quam quoad medelam: quantitas vero relinquitur arbitrio Confessorum, considerata qualitate peccati poenitentis, indulgentiis promerendis, & aliis circumstantiis. Est communis. Patet ex Tridentino sup. dicente: *Debent ergo Sacerdotes Domini, quantum spiritus & prudentia suggererit, pro qualitate criminum & penitentium facultate salutares & convenientes satisfactiones injungere, ne si forte peccatis conniveantur, & indulgentias cum penitentibus agant, levissima quedam opera pro gravissimis delictis injungendo, alienorum peccatorum particeps efficiantur.* Deinde subiungit: *Habeant autem pre oculis, ut satisfactio, quam imponunt, non si tantum ad novae vite custodiendam & infirmitatis medicamentum, sed etiam ad præteriorum peccatorum vindictam & castigationem.* Debent igitur Confessarii, quantum fieri potest, pro majori crimen majorgm satisfactionem imponere; quæ potissimum simul sit contra peccata futura conveniens medicina. Relinquitur autem quantitas de certeto Confessarii arbitrio juxta illud Tridentini: *Quantum spiritus & prudentia suggererit.* Idemque satis colligitur ex cap. Deus qui, de Pœnit. & remiss. Ratio est, quod hoc Sacramentum sit institutum in bonum & utilitatem poenitentis, sicut medicina in bonum corporaliter infirmi: adeoque sicut in hoc curando non solum morbus, sed etiam codditio ægroti attenditur, sic in poenitente non tantum peccata secundum se debent attendi, sed etiam qualitas personæ, v.g. an poenitentiam implebit, an non retrahetur à confessione, an non fiet pusillanimis &c.

5.
Monitio Ri-
tuale Ro-
manum.

Quare (inquit Rituale Romanum tit. de Sacram. Pœnit. alloquens ministrum) *curet, quantum fieri potest, ut contrarias peccatis poenitentias in-*

jungat: veluti avaris elegiasynas, libidinosi jejuna vel alias carnis afflictiones, superbis humiliatio officia, disdiolis de votioris studia. Rariss autem vel rius confitentibus, vel in peccata facile residentibus, utilissimum fuerit consulere, ut sapientia semper in mente, vel certis diebus solemnibus confitentur, & si expedit, communicent.

Alioquin juxta Doctores præstat sapientia prudenter dissimulare, minores poenitentias injungendo, quam nimis austeritate homines à Sacramento deterre. Juxta illud quod dicitur cap. Alix 26 q. 7. ex Auctore Operis imperfeci: *Est erramus modicam poenitentiam imponentes, nonne melius est propter misericordiam rationem redire, quam propter crudelitatem?* Quare insert Coninck sup. n. 73. sacerdotem numquā debere talem injungere poenitentiam, quam omnino credit poenite, item ex aliqua imbecillitate non impleturum.

Nota I. quod licet ad satisfaciendum utilissima sint jejuniunum, oratio & Elæemosyna, quia peculiariter sunt poenalia; nihil minus quevis alia bona opera possunt injungi, sive interna, sive externa, sive libera, sive etiam præcepta. Nam hæc omnia opera iunt alioquin satisfactoria. Opera quoque interna tali sunt sensibilia per impositorem & acceptationem, ut sint pars Sacramenti: ipseque minister fungitur vice Christi in hoc velut divino foro, adeoque potest præcipere interna. Opera vero præcepta si imponantur, nascitur inde saltum specialis implendi obligatio. Nec ratio præcepti impedit, quod minus opus sit satisfactoriū ex opere operantis: adeoque si imponatur Sacerdote, fiet sacramentaliter satisfactoriū. Quia tamen impositio operum liberorum magis punitiva est, meliusque caveret futura peccata, regulariter est adhibenda, saltum simul cum impositione operum præceptorum.

Quando itaque Confessarius non infinitat se injungere rem præceptam, intelligitur poenitentia de re aliâ indebita. Unde si injungatur jejuniunum, audito missa &c. & Confessarius aliud non declarat, poenitentia optione satisfaciet jejuno aut audiendo Missam, ad quod alsoquin ex præcepto auctorato erat obligatus: hæc namque censetur menses confessarii; cum regulariter & congruentius soleant injungi opera alias indebita. Nisi forte obligatio alia per accidens & præter intentionem superveniat, vel sit in solita & extraordinaria, v.g. si poenitentia fuit de eroganda elæemosyna, & occurrit pauper extremè indigena, tunc enim eadem elæemosynâ implebitur obligatio naturalis & sacramentalis. Simili modo si confessarius injunxit auditionem Missæ quotidianam per unum mensem, non censetur voluisse obligare, ut occurrente festo poenitentis audiat duas. Sic etiam et si possit in primam imponit vitatio occasionis proxima, restitutio debita ex justitia &c. quando tamen hoc non satis explicat Confessarius, censetur.

centur tantum pénitenti declarare obli-
gationem intrinsecam, ac exigere proposi-
tum faciendi, quod de per se debet facere.

Quia verò de quibusdam operibus in par-
ticulari Nonnulli dubitarunt, aut dixerunt,
ea non posse imponi, notanter de confes-
sione, communione, ac denique oratione
pro aliis, etiam defunctis: probatur oppo-
situm in primis de confessione ex ipsa pra-
xi, & quia confessio est optimum opus,
maximeque idoneum ad curandas pravas
consuetudines & impediendam reinciden-
tiam. Cavendum solum, ne injungatur eum
injusto gravamine pénitentis repetitio cri-
minum non necessaria.

Quantum ad communionem, patet: tum
quia illam potest præcipere Ecclesia; ergo
& iudex in Sacramento: tum quia recte im-
ponitur, & imponi solet lucratio indulgen-
tiae, quæ communionem frequenter sup-
ponit ac prærequisitum. Immo esto non pos-
set Ecclesia, posset euidem Confessarius
imponens non sacrilegam: plus enim hic
potest circa interna; cum etiam merè inter-
num opus possit præscribere. Addo inter-
dum etiam imponi posse abstinentiam à
communione. Primo, si ipsa communio fo-
ret male sumenda. Secundo, si expedit re-
verentia Sacramenti, mortificatione pénitentis
&c. subinde abstinere. Tunc enim
abstinentia recte consiluitur; quidni ergo à
justice præcipiatur? Præcipit quoque Ec-
clesia abstinentiam à secunda communio-
ne, & juxta Nonnullos in die veneris san-
cto ab omni, possetque ex causa idem præ-
cipere aliis diebus aut certis personis: quid-
ni ergo similiter possit Confessarius?

Denique quoad orationem pro vivis aut
defunctis probatur, primo ex usitata praxi.
Secundo, quia eti eis applicetur vis im-
peratoria, posset vis satisfactoria applicari
ipsi oranti. Tertio, quia eti defunctis aut
aliis applicaretur etiam satisfactio ex opere
operatoris, posset & necessarium debet
(quidquid intenderet minister aut pénitent)
satisfactio quæ sacramentalis, sive ex
opere operato, prodesse soli pénitenti, qui
factum seu effectum sacramentalem (ut
inductione patet) non potest aliis communi-
care. Confirmatur: quia dum imponuntur
Litanie cum precibus adjunctis, im-
ponuntur orationes contentæ, quæ pro va-
tuis vivorum & defunctorum necessitatibus
ex parte sunduntur. Unde meritò Catechis-
mus Romanus de Sacram. Genit. § 62, commen-
dat Sacerdotibus, ut hujusmodi orationes
pro defunctis pénitentibus injungant.

Nota II. quod dum Confessarius in im-
positione pénitentia determinat certum
tempus debeat in eo impleri, ut et. Nec
tamen eo clauso expletar, nisi ex
circumstantiis colliga. Confessarium
noluisse ultra determinatum tempus obli-
gare: quia regulariter non tamen attendit

rationem temporis, quam operis in se. Si
autem nullum tempus fuerit determina-
tum, implenda est primâ opportunitate, sic
ut non diu differatur: immo dilatio val-
de notabilis pénitentia gravis posset esse Alias im-
mortalis, juxta Doctores communiter; ut blanda est
patet à simili in to: quāvis hoc non primâ op-
portunitate contingit, secluso culpabili ob-
livionis periculo aut erroneâ existimatio-
ne pénitentis. Quod verò Diana P. 2. Tr. dilatio gra-
viss. Resol. 53. pro dilatione notabili præfigit vñ.
tempus unius anni, tamen id arbitratur
versa quest. 13. set. 6. relinquens id defi-
niendum arbitrio prudenti, pro varietate
rerum sive pénitentiarum, personarum &
occasione.

Nota III. ex Ritu Romano peccatis oc-
cultis quantumvis gravibus non esse injun-
culta est im-
ponenda: gondam pénitentiam publicam, utpote in-
publicis pu-
famativam pénitentis. Secùs est de pecca-
tis publicis: ut contra Navarrum docent: posse, &
communiter Doctores. Immo hocaliquan-
interdum do est necessarium, quando scilicet scanda-
lum datum non posset aliter reparari.

Nota IV. Usitatè quidem & consultiūs 12.
satisfactiōnem imponi ante absolutionem. Reftius, non
posse tamen etiam immediate post imponi: necessarium
quia adhuc durat idem judicium. Ita com- ante absolu-
muniter Doctores. Porro congruentius tione.
præcedit, ut ex ipsa pénitentia humili ac-
ceptatione crebat dispositio pénitentis ad
effectum principalem. Addunt Nonnulli,
ne forte postea pénitentiam acceptate re-
cuset. De quo tamen ratiō est timendum
circa ritę dispositos. Addi etiam passim
solet, quod cum satisfactio sit pars integrali
quasi materialis, debeat præcedere formam.
Verū constat eam, eti prius im-
ponatur, euidem semper in executione
formam sequi. A qua etiam satis determi-
natur, eti postea imponatur: tum ipsa im-
positio, quæ est sententia secundaria; tum
absolutione, quæ facit, ut sit sacramentalis.
Non potest tamen ipsa impleri ante absolu-
tionem, ut constat ex usu, idcirco etiam ob-
servando, quod satisfactio debeat residuum
pœnae restantis post culpam remissam, cu-
jus remissio fit per absolutionem, & præce-
dere debet remissionem pœnae. Potest ta-
men interdum Confessarius dilaturus abso-
lutionem, interea ad probandum pénitentis
dispositionem, aliquid ab eo exigere: præ-
sertim ut impleat priorum confessionum
pénitentias à se neglectas. Videri etiam
posset Sacramentalis, quæ ante absolu-
tionem impleretur, si verum & probandum
sit, quod ex Palatio refert Lugo de Pœnit. disp.
4. n. 170. Græci non solitus absolvere ante
expletam pénitentiam. Quamquam
Scotus d. 16. q. 1. n. 7. dicat, quod satisfactio de-
bet sequi Sacramentum Pénitentia ad hoc, ut ha-
beat efficaciam.... Ita enim sententia Sacerdos
sic absolvit, quod tamen ligat, ad satisfactionem
scilicet pro restanti pœna temporali.

Nn 4 QUÆ-